



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2546. Beibrief der Herzöge Erich und Heinrich von
Braunschweig-Lüneburg zur Erneuerung der Halle`schen Einigungen, am
30. September 1535.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

seiner Zubehorungen zur ersten vnd eilenden hulffe vnseumlich schicken wollen, Vnd wo es aber die notturft daruber erfordert, mit vnserer hochsten vnd grosten macht, vff erfordern des beleidigten Churfursten ader fursten zuziehen vnd volgen vnd vnder vns Inn solcher macht Sollen vnd wollen wir haben Zwey hundert frembder Reuter, Ein Taufent frembder fußknecht vnd sechs stuck veltgeschutz, vnd mit derselbigen vnserer hulffe vnd kriegsvolcke, auch mit dem an vnd abziehen, gewinst vnd verlust, auch sunst In allen andern artickeln, Sollen vnd wollen wir vns allenthalb halten, wie derselbige vielbemelte auffgerichte vertrack solchs mitbringt, nichts dauon ausgechlossen. Ob wir auch nach dem willen gottes mit Tode abgehen wurden, so sollen alsdan vnser nachkomen, Soehne vnd Erben nach vnserem tode In angehendem Regiment vff erfordern der andern Churfursten vnd Fursten die Bunthsverwanten dieser einigung fur Ire selbst person, ane alle ausflucht vnd widderrede, volge thun vnd solchs mit einem beybriue versichern, welche vnser Erben wir auch hiemit dartzu verbinden, Alle vnd Jgliche Artickel, so hiroben benant vnd auch die, so nicht benannt, Sonder Inn dem vielgemeltem auffgerichtem Vertrage ausgedruckt vnd begriffen seind, Gereden vnd geloben wir bey vnsern Furstlichen trewen vnd gutem glauben an eydes stad stet, vest vnd vnuerpruichlich zu halten vnd zu uerfolgen, Alles getrewlich vnd sonder geuerde. Des zu vrkunth haben wir diesen brieff mit vnser eigen hand vnder geschrieben vnd vnser Insiegel wißentlich daran hengen lassen. Der geben ist etc. — (Ohne Datum.)

Aus einem, im Herzogl. Landes-Hauptarchive zu Wolfenbüttel vorhandenen, im 16. Jahrhunderte verfertigten Copialbuche.

2546. Weibrief der Herzöge Erich und Heinrich von Braunschweig-Lüneburg zur Erneuerung der Halle'schen Einigungen, am 30. September 1535.

Wir Erich der Elter vnd Heinrich der Junger, von gots gnaden Hertzogen zu Braunschweig und Lüneburg etc., Bekennen und thun kunth an diesem vnserm offenen brieue vor vns, vnser erben vnd nachkomen, Nachdem vnd als wir vns mit dem Hochwirdigsten In got, hochgebornen Fursten, herrn Albrechten, der heiligen Rom. kirchen des Tittels Sancti petri ad vincula Cardinaln, Legaten naten, Ertzbischouen zu Magdeburg vnd Meintz, primaten etc., vnd Herrn Joachim, des heiligen Romischen Reichs Ertz-Camerer vnd Churfursten, loblicher gedechtnus, sampt seiner L. beiden sonen, herrn Joachim den Jungern vnd Herrn Johannsen, Marggrauen zu Brandenburg etc., hern Georgen, hertogen zu Sachsen, Landgrauen In Doringen vnd Marggrauen zu Meissen, sampt auch seiner Liebe beiden sonnen, hertzog Johannsen vnd Hertzog Friderichen zu Sachffen,

Landgrauen In Doringen vnd Marggrauen zu Meiffen, vnfern freuntlichen lieben hern Bruder, vattern, Oheimen, vettern, Schwegern vnd geuattern, Am tage Elifabeth, Anno domini etc. Im drey vnd dreiffigften, anher gegen Halle aigener perfon zufamen betagt vnd alda einer freuntlichen einigung vnnnd verftentnus vnder einander verglichen haben, dergestalt, Das wir allerfeits vor vns vnd vnfer vntirthan bey dem alten Criftlichen glauben, wie der von vnfern voreltern loblich vnd woll herbracht, bleiben vnd vns keinswegs dauon nicht wollen dringen lassen, vnd ob wir daruber diefer ader ander vrsach von Jemants mit der that angegriffen wurden, Des sich dan einer zu dem andern hulffe, trostes vnd beiftandes verfehen folle, Ob auch Irrungen zwifchen vns allerfeits felbft vntirlanck vorfielen, wie die sollen freuntlich vnnnd der billigkait nach, ane vnfreuntliche weiterung, entfcheiden werden, das auch wir einmuetiglich gefchlossen vnd vns des verglichen haben, die vnadeliche plackerey Inn vnfern Landen vnd gebieten, Desgleichen auch die wucherliche henndel vnd Contract, wie bisher widder ordenung der Rechte, auch der Rom. Kayf. Maj., vnfers allergnedigften hern ausgegangen verbott geubt fein worden, keinswegs ferner zu gedulden noch zuzufehen, auch vnfer offentliche Mandat In vnfern Stifften, Landen vnd Furstenthumben auszukundigen, zu uorbieten vnd ernstlich daruber zu halten, wie dan der schrifftlich versigelte vertrack, den wir allerfeits daruber aufgericht, besigelt vnd vltzogen haben, der sich anfahet: von gots gnaden wir Albrecht etc. vnd datirt ist zu Halle, am tage Praesentationis Marie, Nach Christi vnfers herrn geburt Funfftzehen hundert, darnach Im drey vnd dreiffigften Jare, mit vnser aller, auch der beiden Capittel Magdeburg vnd Halberstadt anhangenden Sigeln besigelt vnd befestigt ist, Auch die gestelten Mandat der Religion, Plackerey vnd Wucher halben allenthalb In Iren buchstaben ferner Innehalten vnd mitbringen, Welches alles wir hiemit von worte zu worte allenthalb wollen erholt vnd Repetirt haben. Sodan Inn obbemelten Buntnus vnd vertrage vnder andern verleibt, So oft einer von Iren Liebden vns, vnfern sohnem ader Nachkommen versterben wurde, das desselbigen nachkomen, Sohne ader Erben In angehendem Regiment vff erfordern der andern obberurter einigung fur sein selbft perfon, ane alle ausflucht vnd widderrede, volge thun vnd das zum vberflus mit einem beybriue versichern folle, Vnnnd aber der hochgeborne furst, herr Joachim, Marggraue zu Brandenburg, des heiligen Romischen Reichs Ertzkamerer vnd Churfurst etc., vnser freuntlicher lieber herre vater, Ohem, Schwager vnd Schweher, seliger vnd loblicher gedechtnus, kurzuegangener Zeit nach dem Willen des Allmechtigen In gott verschieden, vnd nach solchem S. L. todlichen abgange die hochgebornen Fursten, herr Joachim, des heiligen Rom. Reichs Ertzkamerer, Churfurst, vnd herr Johans, Marggrauen zu Brandenburgk etc., seiner liebe nachgelassene Sohne, vnser freuntliche lieben herrn Oheim, Bruder vnd Sohne, die Regierung Irer anererbten Lande vnnnd vnterthanen angenommen, Demnach vnd zuvolge voriger Irer Liebe gethaner verpflichtung, Irer Liebe In Iren sonderlich derhalb gegebenen verschreibungen fur sich, Ire Erben vnnnd Nachkommen zum vberflus vnnnd meherer sicherung bey Iren Furstlichen

trewen vnd gutem glauben an eydes stad gelobt vnd zugesagt, Alle vnd Jgliche stuck, punct vnd Artickell der obberurten verftentnus vnd einigung, wie die von worte zu worten melden, Auch zuvor von Iren Liebden bewilligt, angenommen, verfigelt, vnderfchrieben vnd an eydes stad gelobt vnd zugesagt ist worden, stette, vhest vnd vnerpruchlich zu halten, denselbigen auch In allen Iren begreifen nachzusetzen, Wie Irer Liebde gegebene verschreibung vnd versicherung solches ferner mitbringt; Das wir Erich der Elter vnd Heinrich der Junger, geuetter, beid Hertzogen zu Braunschweig vnd Luneburg obgenant, bemelten vnsern freuntlichen lieben herrn Schwager, Bruder, Oheim vnd Son fur vns, vnser Erben vnd nachkommen zum vberflus auch widderumb verschrieben vnd zugesagt haben, Als wir auch hirit In Crafft dies briefs verschreiben, geloben vnd zusagen, dieselben Buntnus vnd Mandata In allen Iren stucken, puncten vnd Artickeln, In massen, als weren sie hir Inne von worte zu worte gesetzt vnd aufgedruckt, die wir auch hir Inne fur aufgedruckt haben vnd halten, gegen Iren Liebden vnd derselben Erben, gleich andern vnsern Buntgenossen vestiglich halten, vnd von Iren Liebden vnd derselbigen Sohnen widderumb gehalten nehmen wollen. Ob auch Ire liebden mit der Dath angegriffen wurden, Das wir dan vnser hilff dem obbemelten auffgerichten vertrage nach, vnd wan wir von Iren liebden an der orter einem, Inn vielbemelten vertrage aufgedruckt, erfordert, zwey hundert zu Ross vnd funffhundert zu fuesse neben vier stucken veltgeschutz mit seiner zubehorung zur ersten vnd eilenden hilff vnseumlich schicken wollen, vnd wo es aber die notturfft daruber erfordert, mit vnserer hochsten vnd grosten macht vff erfordern Irer Liebden zuziehen vnd volgen vnd vnder vns In solcher macht sollen vnd wollen wir haben zwey hundert frembder Reuter, Ein tausendt frembder fuesknecht vnd sechs stuck veltgeschutz, vnd mit derselbigen vnser hultff vnd kriegsvolcke, auch mit dem an vnd abziehen, gewinst oder verlust, auch sunst Inn allenn andern Artickeln, Sollen vnd wollen wir vns allenthalb gegen Iren Liebden halten, wie derselbige vielbemelte auffgerichte vertrack solchs mitbringt, nichts dauon ausgeschlossen. Ob auch wir nach dem willen gottes mit Dote abgehen wurden, So sollen alsdan vnser Erben nach vnserm tode Inn angehendem Regiment, vff erfordern Irer Liebde, auch der andern Churfursten vnd Fursten, die Buntsverwanten dieser einigung, fur Ire selbst person, ane alle ausflucht vnd widderrede, auch volg thun vnd selbs mit einem beybriue versichern, welche vnser Erben vnd wir auch hirit also dartzu verbinden. Alle vnd Jegliche artickell, so hiroben benannt vnd auch die, so nicht benant, Sonder Inn dem vielbemelten auffgerichten vertrage ausgedruckt vnd begriffen seindt, Gereden vnd geloben wir bey vnsern Furflichen trewen vnd gutem glauben an eydes stad, Jegen bemelten vnsern herrn vettern, Bruder vnd geuattern vnd Irer Liebden Sohnen stett, vhest vnd vnerpruchlich zu halten vnd zu uerfolgen vnd widderumb gehalten zu nemen, In vnd mit krafft dis briefs, als getrewlich vnd sunder geuerde. Des zu vrkunth haben wir diesen vnsern brief mit eigener handt vnderfchrieben vnd vnser Insiegell wissentlich darane

hengen lassen. Der gegeben Ist zu Wulffenbuttell, nach Cristi vnfers lieben herrn geburt Thaufent Funffhundert vnd Im Funff vnd dreiffigsten Jar, am Dornstag nach Michaelis.

Aus einem, im 16. Jahrhunderte verfertigten, im Herzoglichen Landes-Hauptarchive zu Wolfenbüttel befindlichen Copialbuche.

2547. Cardinal Albrechts Beibrief über die Erneuerung der Halle'schen Einigungen, vom 5. November 1535.

Wir Albrecht, von gots gnaden der heiligen Romischen kirchen des tittels Sancti petri ad vincula priester, Cardinal etc., Bekennen vnnnd thun kunth an dießem vnferm offen briue vor vns, vnser nachkommen Ertzbischoue vnd Bischoue der Ertzstiftkirchen vnd kirchen zw Magdeburgk vnd halberstadt, Nachdem vnnnd als wir vnns mit den hochgebornen fursten, herrn Joachim, des heiligen Romischen Reichs Ertzkemerer vnd Churfursten, loblicher gedechtnus, sampt seiner liebden beyden söhnen, hern Joachim dem Jungern vnd hern Johannsen, Marggrauen zu Brandenburgk etc., hern Georgen, hertzogen zw Sachsen, Landgrauen In döringen vnd Marggrauen zw Meyßen, sampt auch seiner liebden beyden Söhnen, hertzogk Johannsen vnnnd hertzogk friderichen zw Sachsen, hern Erichen vnnnd hern heinrichen, herczogen zw Brunfswigk vnd Luneburgk, vnfern fruntlichen lieben hern bruder, Ohmen, vettern, Schwegern vnd gefattern, am tage Elizabet, Anno domini XV^{ten} vnd XXXIII^{ten}, anher gegen halle eigener person zwsammen betaget vnd vns also eyner fruntlichen voreynigung vnnnd vorstentnis mit einander vorglichen haben, dergestalt, das yre liebden vnd wir semplich vnnnd vnuerscheidentlich bey dem alten loblichen Cristlichen glawben in gehorsam vnd eintracht der heyiligen gemeynen Cristlichen kirchen vnnnd yrer lobelichen cristlichen ordenunge, ceremonien, auffatzungen vnnnd gebrauch, wie der von yren liebden vnnnd vnfern vorfahren vnd voreltern bissher loblich vf sie vnd vns gebracht vnd herkommen ist, sampt yren vnd vnfern vnderthanen, landfassen vnd vorwantten vnuorruckt, vnuerandert vnd ane alle einrede vnd ver hinderung endtlich bleiben, dorbey vorharren vnnnd sich eyner von dem andern in keynen wegk noch vmb keynerley sachen willen scheyden noch abeweichen, auch mit gewalt douon nicht dringen sollen lassen noch wollen, es werde dan solchs durch ein gemeine cristlich Consilium geandert, Sundern vnfern eyner solle dem andern in solchen sachen rethlich, beystendig vnnnd behulfflich sein, Auch eyner dem andern fruntlich vnnnd mit allen trewen meynen, ehren vnd fordern, nach eynes ydern besten vermogen, Vnnnd ob yre liebden ader wir darober von ymande mit der thad angegriffen wurden, wes sich dan eyner zu dem andern hulfe, trosts vnnnd beystandes vorsehen solle. Ob auch